



Bosnia and Herzegovina
Federation of Bosnia and Herzegovina

CANTON SARAJEVO
Ministry of Labour, Social Policy,
Displaced Persons and Refugees

Broj:13-04-25816/24
Sarajevo, 23.05.2024. godine

BOSNA I HERCEGOVINA
FEDERACIJA BOSNE I HERCEGOVINE
SKUPŠTINA KANTONA SARAJEVO

PREDMET: Odgovor na zastupničko pitanje, dostavlja se –
Veza Vaš akt broj: 01-04-25816-6/24 od 25.04.2024. godine

Poštovani,

na 15. redovnoj sjednici Skupštine Kantona Sarajevo, održanoj 24.04.2024. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa članom 211. i 214. Poslovnika Skupštine Kantona Sarajevo, zastupnice u Skupštini Kantona Sarajevo Mersiha Mehmedagić, Arijana Memić i Elza Gaković postavile su zastupničko pitanje u kojem se između ostalog navodi „Da li je nadležno ministarstvo sprovelo nadzor nad predmetom koji se odnosi na slučaj hraniteljske porodice [REDACTED] i da li je bilo nadzora od strane drugih institucija vezano za postupanje Stručnog tima u predmetu?“.

U vezi sa navedenim pitanjem Ministarstvo za rad, socijalnu politiku, raseljena lica i izbjeglice dostavlja odgovor kako slijedi:

U skladu sa čl. 99., 100. i 101. Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Kantona Sarajevo”, br. 38/14 – Prečišćeni tekst, 38/16, 44/17, 28/18, 52/21 i 40/22) od strane Ministarstva za rad, socijalnu politiku, raseljena lica i izbjeglice Kantona Sarajevo, izvršen je nadzor dana 30.11.2023. godine u Javnoj ustanovi “Kantonalni centar za socijalni rad” – Služba za hraniteljstvo i dana 11.03.2024. godine u Javnoj ustanovi “Kantonalni centar za socijalni rad” – Služba socijalne zaštite općine Hadžići, nadzor je izvršen na okolnosti smještaja mldb. [REDACTED], kao i poduzete aktivnosti vezane za smještaj mldb. [REDACTED].

S tim u vezi, izvršen je usmjereni nadzor u vezi okolnosti i hronologije događaja, a sve vezano za mldb. [REDACTED] smještenu u hraniteljsku porodicu [REDACTED].

Naime, Služba za hraniteljstvo je zaprimila službeni akt Službe socijalne zaštite općine Hadžići (molba za smještaj mldb. djece u hraniteljsku porodicu) broj: 31-07/07-544-1123/22 od 21.02.2023. godine za hitan smještaj u hraniteljsku porodicu mldb. [REDACTED]. U aktu se između ostalog navodi da se mldb. djeca ([REDACTED]) nalaze na smještaju u Skloništu za žene i djecu žrtve nasilja u porodici (u daljem tekstu: Sigurna kuća), zbog osnovane sumnje na teško krivično djelo KZ-FBiH - snošaj sa mldb. djetetom od strane [REDACTED].

Na sastanku Stručnog tima Službe za hraniteljstvo i Stručnog tima Službe socijalne zaštite općine Hadžići održanog 10.03.2023. godine, donesen je jednoglasan zaključak da se mldb. [REDACTED] smjesti u porodicu [REDACTED] kao adekvatnu hraniteljsku porodicu na brigu, odgoj i vaspitanje, dok je za



drugo dijete mldb. [REDACTED] odlučeno da se smjesti institucionalno u odnosu na njegove specifične zdravstvene potrebe kao žrtve seksualnog zlostavljanja od strane oca, obzirom da nijedna raspoloživa hraniteljska porodica nije u stanju adekvatno odgovoriti na ove potrebe djeteta.

Dana 13.03.2023. godine održan je sastanak u Službi socijalne zaštite općine Hadžići na kojem su prisustvovali hraniteljka [REDACTED], pedagog i pravnik Službe socijalne zaštite općine Hadžići, socijalni radnik i psiholog Službe za hraniteljstvo. Na navedenom sastanku su prezentirana sva saznanja koja se odnose na porodicu [REDACTED], zatim informacije koje se odnose na status njihovih roditelja, te na činjenicu da roditelji trenutno nisu sposobni voditi brigu o djeci.

Hranitelji [REDACTED] su potpisali Izjave o prihvatanju mldb. [REDACTED] na brigu i staranje u svoju hraniteljsku porodicu od dana 17.03.2023. godine broj: 31-05/02-544-413/23, te da će dijete preuzeti iz Sigurne kuće sa danom 17.03.2023. godine.

Javna ustanova "Kantonalni centar za socijalni rad" - Služba socijalne zaštite općine Hadžići u predmetu priznavanja prava na smještaj mldb. [REDACTED] u hraniteljsku porodicu [REDACTED] donijela je Rješenje o smještaju u hraniteljsku porodicu na **hitno hraniteljstvo** broj: 31-07/02-544-306/23 od 14.04.2023. godine, na period od 17.03.2023. do 17.04.2023. godine, također je potpisan i Ugovor o hraniteljstvu broj: 31-07/02-544-306/23 od 17.04.2023. godine, kao i Individualni plan zaštite hranjenika broj: 31-05/04-544-536/23 od 17.03.2023. godine.

Na temelju naprijed navedenog dana 17.03.2023. godine u prostorijama Službe socijalne zaštite općine Hadžići obavljeno je preuzimanje djeteta mldb. [REDACTED] od majke [REDACTED], tom prilikom majka je predala i zdravstvenu legitimaciju djeteta koja je putem Službe socijalne zaštite općine Hadžići uručena hraniteljima. Nakon što je dijete preuzeto od strane službenih lica Službe za hraniteljstvo, stručni saradnici su se uputili prema hraniteljskoj porodici kako bi zbrinuli dijete i obavili razgovor sa hraniteljskom porodicom.

Druga posjeta hraniteljskoj porodici [REDACTED] od strane stručnog osoblja Službe za hraniteljstvo je realizirana dana 23.03.2023. godine, a treća posjeta dana 30.03.2023. godine od strane pedagoga i socijalnog radnika Službe za hraniteljstvo i pedagoga Službe socijalne zaštite općine Hadžići. Obzirom da je kod Službe socijalne zaštite općine Hadžići postupak oduzimanja prava roditeljima da žive sa mldb. djecom hraniteljka je od strane stručnih lica upoznata sa ovim, te su joj predočeni mogući ishodi tokom istog, o čemu će kao hraniteljska porodica biti blagovremeno obavještena u dijelu koji se tiče njihove dalje uloge (Sl. zabilješka Službe od dana 30.03.2023. godina).

Nakon proteka vremenskog perioda od mjesec dana i smještaja mldb. [REDACTED], na hitno hraniteljstvo, Javna ustanova "Kantonalni centar za socijalni rad"-Služba socijalne zaštite općine Hadžići donijela je rješenje broj: 31-07/02-544-411/23 od 15.05.2023. godine kojim se mldb. K.DŽ. priznaje pravo na smještaj u hraniteljsku porodicu [REDACTED] na tradicionalno hraniteljstva, u statusu nesrodničkog hraniteljstva počev od dana 17.04.2023. godine, a smještaj će trajati dok postoje Zakonom propisani uslovi. Tačkom 6. navedenog rješenja odlučeno je da će se međusobna prava i obaveze između Javne ustanove "Kantonalni centar za socijalni rad"-Služba socijalne zaštite općine Hadžići i [REDACTED] regulisati Ugovorom o hraniteljstvu koji je zaključen i potpisan dana 15.05.2023. godine broj: 31/02-544-411/23, također je izrađen i potpisan Individualni plan zaštite hranjenika za mldb. [REDACTED] broj: 31-05/04-544-536/23 od dana 17.04.2023. godina.

Javna ustanova "Kantonalni centar za socijalni rad"-Služba socijalne zaštite općine Hadžići je po službenoj dužnosti dana 22.03.2023. godine podnijela prijedlog Općinskom sudu u Sarajevu za oduzimanje roditeljima prava da žive sa mldb. djecom broj: 31-07/10-530-18/23 dana 21.03.2024. godine. Općinski sud u Sarajevu je Rješenjem broj: 65 0 V 1027086 23 V od 12.10.2023. godine između ostalog odredio da mldb. djeca [REDACTED] nastave živjeti sa majkom [REDACTED] koja je nastanjena u Zenici, u trajanju od jedne godine počev od 12.10.2023. godine.

Potrebno je istaći da je Općinski sud u Sarajevu donio Rješenje kojim se nalaže vještacima prof.dr. Abdulaha Kučukalića -neuropsihijatar i mr. psih. Bajramović Nermine da u roku od 30 dana sačine nalaz i dostave nalaz i mišljenje na okolnosti procjene podobnosti [REDACTED], kao roditelja za vršenje roditeljskog staranja prema mldb. djeci, u cilju zaštite najboljeg interesa djece u postojećim okolnostima, kao i utvrđivanja da li postoji odstupanja od uobičajnog ponašanja navedenog roditelja u odnosu na njenu mldb. djecu.



Timsko-psihijatrijsko-psihološkog nalaza i mišljenja stalnih sudskih vještaka prof. dr. Abdulaha Kučukalića – neuropsihijatar i mr. psih. Bajramović Nermine na okolnosti procjene podobnosti [REDACTED] kako je predhodno navedeno, je u sudskom postupku pročitano. Postupajući vještak prof. dr. Kučukalić Abdulaha je u izjavi datoj na ročištu održanom 28.09.2023. godine naveo da je nakon provedenog vještačenja utvrđeno da su ispunjeni svi uslovi, uz želju i volju majke da nastavi živjeti sa djecom i da su iz razloga navedenih u nalazu i mišljenju, *predložili da se majci vrati starateljstvo, te da nadležni Centar za socijalni rad kontroliše i prati izvršavanje roditeljske obaveze*, obzirom da je vještačenjem utvrđeno da majka [REDACTED] ne boluje od neke duševne bolesti psihotičnog karaktera, nije ovisnik o psihoaktivnim supstancama ili alkoholu, ne registruju se simptomi poremećaja ličnosti, odnosno mentalne retardacije srednjeg ili višeg stepena. Nadalje, u predmetnom nalazu vještaka navedeno je da prema pravilima struke u određivanju najboljeg interesa djeteta kod odlučivanja o starateljstvu djeteta, utvrdili da postoji emocionalna privrženost između majke i nane (po majci) prema djeci, u čijoj bi kući koja je uslovna, zajedno živjeli i u kojoj postoji materijalna sigurnost u podmirivanju osnovnih potreba djece.

Sud u predmetnom rješenju također navodi citiramo: „*provedenim dokazima, utvrdio je da [REDACTED] ima topao odnos prema djeci, kao i da je odgovorna osoba i sposobna za odgovorno roditeljstvo uz kontinuirani nadzor i pomoć stručnih lica Centra za socijalni rad, u cilju ostvarenja zaštite najboljeg interesa mladb. djece.*“

Dana 30.10.2023. godine održan je sastanak u Javnoj ustanovi "Kantonalni centar za socijalni rad"- Službi socijalne zaštite općine Hadžići kojem su prisustvovali predstavnici Službe za hraniteljstvo i predstavnici Službe socijalne zaštite općine Hadžići, kao i hraniteljska porodica Žužić, kojom prilikom je sačinjen Zapisnik broj: 31-07/02-544-243/23 od 13.11.2023. godine. Sastanak je održan u cilju upoznavanja hranitelja sa novonastalom situacijom, a odnosi se na činjenice iz Rješenja Općinskog suda u Sarajevu broj: 65 0 V 1027086 23 V od 12.10.2023. godine. Između ostalog, na predmetnom sastanku hraniteljka [REDACTED] je tražila odgovor na pitanje, da li ona i njen suprug moraju da koriste privatne veze i vezice kako bi došli do primjerka sudskog rješenja. Ista je također pitala da li ona i njen suprug trebaju biti članovi stručnog tima prilikom odlučivanja u predmetu. Šefica službe socijalne zaštite općine Hadžići je na navedenom sastanku odgovorila da se hraniteljima ne dostavlja sudsko rješenje, jer oni nisu stranke u postupku, a da je ista bila kontaktirana telefonom kako bi pristupila u prostorije Službe socijalne zaštite općine Hadžići i bila upoznata o detaljima sudskog rješenja. Također je hraniteljki odgovoreno da hranitelji ne mogu biti članovi stručnog tima (psiholog, pedagog, socijalni radnik i pravnik, po potrebi se uključuje šef Službe koji nema pravo na odlučivanje). Šef Službe za hraniteljstvo je pojasnio kada je u pitanju rad Stručnog tima Službe, isti je regulisan Poslovníkom o radu Stručnog tima, kao internim aktom. Također, rad Stručnog tima Službe socijalne zaštite općine Hadžići je regulisan Poslovníkom o radu stručnog tima. U skladu sa odredbama Zakona o hraniteljstvu („Službene novine Federacije BiH“ br. 19/17 i 52/22), Stručni tim je dužan uključiti hranitelje, srodnike i sve druge subjekte, samo u slučaju kada je potrebno donijeti individualni plan zaštite. Postupak pokrenut na sudu po prijedlogu Službe socijalne zaštite općine Hadžići, vodio se po odredbama Porodičnog zakona („Službene novine Federacije BiH“ br. 35/05, 41/05, 31/14 i 32/19), a ne Zakona o hraniteljstvu, tako da ni u kom slučaju hranitelji ne mogu biti članovi Stručnog tima kada je u pitanju rad Službe socijalne zaštite općine Hadžići.

Šef službe za hraniteljstvo je izjavio da je najbolje ispoštovati odluku Stručnog tima Službe socijalne zaštite općine Hadžići, a to je da se jedan određeni vremenski period prati stanje unutar porodice u koju se vratio mladb. [REDACTED], kako bi se utvrdilo da li majka [REDACTED] može voditi brigu o jednom djetetu, a nakon toga i o drugom djetetu.

Šefica Službe socijalne zaštite općine Hadžići je na kraju izjavila da će se majka Dženeta pratiti u narednom periodu, kako bi se utvrdilo da li odgovorno vrši roditeljske dužnosti, te kada se steknu uslovi za preuzimanje mladb. [REDACTED] iz hraniteljske porodice, detalji o načinu i tačnom vremenu se moraju dogovoriti kako sa Službom za hraniteljstvo, tako i sa hraniteljima.

Majka [REDACTED] je dana 24.10.2023. godine, došla je i dala izjavu da je saglasna da njena mladb.kćerka [REDACTED] dalje bude smještena u hraniteljsku porodicu na period od dva mjeseca sa mogućnošću i daljeg smještaja, kako bi u navedenom periodu pokušala stvoriti što bolje uslove za



njen život i život njene djece, što je uneseno u Zapisnik broj: 31-07/02-544-411/23 od 31.10.2023. godine. Nadalje, majka [REDACTED] je dana 05.01.2024. godine došla u Službu socijalne zaštite općine Hadžići te tom prilikom ista je dala izjavu na Zapisnik broj: 31-07/02-544-411/23 od 05.01.2024. godine, u kojoj izjavljuje da je spremna kako psihički, tako i fizički da preuzme kompletnu brigu o svojoj kćerki mldb. [REDACTED]

Stručni tim Službe socijalne zaštite općine Hadžići na osnovu dokaza i činjenica koji su u predmetu, utvrdio je da su se ispunili zakonom propisani uslovi (odlasci na teren, službene zabilješke, izvještaj o provedenoj mjeri nadzora za [REDACTED] JU "Centar za socijalni rad" Zenica, kontakti sa majkom) i Zaključkom Stručnog tima Službe socijalne zaštite općine Hadžići od dana 10.01.2024. godine dogovorena ja da se održi sastanak sa hraniteljima [REDACTED] kako bi se isti upoznali da su se stekli uslovi za povratak mldb. [REDACTED] u porodicu majke.

Sastanku su prisustvovali predstavnici Službe socijalne zaštite općine Hadžići, predstavnici Službe za hraniteljstvo, te hraniteljska porodica [REDACTED], te advokat Maja Džaferović, zapisnik broj: 31-07/02-544-411/23 od dana 15.01.2024. godine. Iako prisustvo advokatice Maje Džaferović nije bilo najavljeno, dozvoljeno joj je prisustvo sastanku na kojem je ista informisala prisutne o podnesenom Prijedlogu Općinskom sudu u Sarajevu za donošenje sudske mjere osiguranja, da se rješenje Općinskog suda u Sarajevu br: 65 0 V 1027088 23 od 12.10.2023. godine obustavi do okončanja krivičnog postupka protiv oca mldb. djevojčice.

Službi socijalne zaštite općine Hadžići, nakon brojnih urgencija prema Općinskom sudu u Sarajevu u postupku Oduzimanja prava roditelja da žive sa mldb. djecom i podnescima trećih osoba [REDACTED] zastupanih po advokatu Džaferović Maji, dostavljeno je rješenje Općinskog suda u Sarajevu broj: 65 0 V 1027086 23 V od dana 27.02.2024. godine, kojim se odbacuje prijava za mješanje trećih osoba [REDACTED] od 28.10.2023. godine i dopuna podneska od 30.10.2023. godine. Nakon dostavljenog rješenje Općinskog suda u Sarajevu br: 65 0 V 1027086 23 V od dana 27.02.2024. godine, Služba socijalne zaštite općine Hadžići je aktom broj: 31-07/02-544-173/24 od 28.02.2024. godine uputila obavijest o otkazu Ugovora o hraniteljstvu broj: 31-07/02-544-411/23 od 15.05.2023. godine, zaključen između JU "Kantonalni centar za socijalni rad"- Službe socijalne zaštite općine Hadžići i hranitelja [REDACTED], a koji se odnosi na smještaj mldb. [REDACTED] u porodici na tradicionalno hraniteljstvo, sa danom 08.03.2024. godine, u skladu sa članom 31. stav (1) tačka e) Zakona o hraniteljstvu Federacije Bosne i Hercegovine. Na osnovu svega gore navedenog JU "Kantonalni centar za socijalni rad"-Služba socijalne zaštite općine Hadžići donosi Rješenje broj: 31-07/02-544-173/24 od dana 04.03.2024. godine, da mldb. [REDACTED], prestaje pravo na smještaj u hraniteljskoj porodici [REDACTED], zaključno sa danom 08.03.2024. godine, jer su se stekli zakonom propisani uslovi za povratak mldb. djevojčice u porodicu majke. Gore navedeno rješenje putem pismena je poslato na adresu hranitelja [REDACTED] potom je telefonskim putem dana 07.03.2024. godine, obavljen službeni razgovor sa hraniteljkom [REDACTED] i istoj postavljeno pitanje da li su kao hranitelji zaprimili Rješenje i Obavijest o otkazu ugovora o smještaju, na što je hraniteljka odgovorila da na adresi nije bilo ništa, a što je evidentirano u Službenoj zabilješci od 07.03.2024. godine. Također, u Službenoj zabilješci se navodi da je imenovana hraniteljka informisana da će Služba socijalne zaštite općine Hadžići zajedno sa Službom za hraniteljstvo realizirati izvršenje rješenja Općinskog suda u Sarajevu dana 13.03.2024. godine. Hraniteljima je naloženo da pripreme mldb. [REDACTED] za preuzimanje od strane organa starateljstva, te da će stručnim radnicima centra biti pružena podrška policijskih službenika. Hraniteljka je odgovorila da nema nikakvih problema, te da na adresu može doći i policija, ali da dijete ni u kom slučaju nemaju namjeru predati.

Hraniteljska porodica [REDACTED] je na Rješenje broj: 31-07/02-544-173/24 od dana 04.03.2024. godine, kojim prestaje pravo na smještaj u hraniteljskoj porodici [REDACTED] zaključno sa danom 08.03.2024. godine, izjavila žalbu Ministarstvu za rad, socijalnu politiku, raseljena lica i izbjeglice dana 18.03.2024. godine. Postupajući po navedenoj žalbi Ministarstvo za rad, socijalnu politiku, raseljena lica i izbjeglice je donijelo Rješenje broj: 13-31-560/24 od 28.03.2024. godine kojim se ista odbacuje, iz razloga što je žalba podnijeta od strane neovlaštenih lica.



Protiv navedenog rješenja Ministarstva za rad, socijalnu politiku, raseljena lica i izbjeglice hraniteljska porodica [REDACTED] je putem punomoćnika advokata iz Sarajeva Maje Džaferović podnijela tužbu Kantonalnom sudu u Sarajevu dana 29.04.2024. godine.

Nadalje, u Obavijesti Službe socijalne zaštite općine Hadžići broj: 31-07/02-544-173/24 od dana 08.03.2024.godine, hranitelji [REDACTED] su obavješteni da pripreme mldb. [REDACTED] za povratak iz hraniteljske porodice u porodicu majke, obzirom da su se stekli zakonski uslovi za preuzimanje mldb. djevojčice i povratak u porodicu majke koji je planiran za dan 13.03.2024. godine u 09:00 sati. Prema informacijama koje je ovo ministarstvo dobilo od Službe socijalne zaštite općine Hadžići povratak mldb. djevojčice nije realiziran.

Dana 17.04.2024. godine Služba socijalne zaštite općine Hadžići je zaprimila Rješenje Općinskog suda u Sarajevu br: 65 I 1082611 24 I od 12.04.2024. godine, a kojim se određuje predaja mldb. djeteta [REDACTED], na čuvanje i odgoj majci [REDACTED]. Istim rješenjem nalaže se izvršeniku, u ovom slučaju porodici [REDACTED] da u roku od 24 h predaju dijete, pod prijetnjom izricanja i izvršenja novčane kazne. Prema navodima iz Obavijesti broj: 31-07/02-544-173/24 od 23.04.2024. godine Službe socijalne zaštite općine Hadžići, Služba je ponovo obavijestila porodicu [REDACTED] da dovedu mldb. [REDACTED] u Službu socijalne zaštite općine Hadžići dana 19.04.2024. godine u 9 h, a sve u skladu sa rješenjem o prestanku prava na smještaj mldb. djevojčice u hraniteljsku porodicu. Dakle, hraniteljska porodica je trebala dovesti dijete u prostorije Službe socijalne zaštite općine Hadžići dana 19.04.2024.godine u 9 h, ali preuzimanje mldb. djevojčice nije izvršeno, obzirom da hranitelji nisu postupili sa gore navedenom obavijesti. Hranitelji, odnosno [REDACTED] e telefonski kontaktirana i ista je izjavila da nije zaprimila sudsko rješenje, te zaprijetila krivičnom prijavom uposlenicima Službe socijalne zaštite općine Hadžići za uznemiravanje.

U predmetnoj Obavijesti Služba socijalne zaštite općine Hadžići također navodi da po pitanju navedenog rješenja Općinskog suda u Sarajevu porodica [REDACTED] nije se oglasila Službi socijalne zaštite općine Hadžići, ali je uključila javnost putem javnih mreža i medija iznoseći neistine, te time ugrožavajući prava i interese mldb. djevojčice, njenog brata, a samim tim i porodice majke kojoj su djeca povjerena na dalju brigu i staranje.

Putem dnevnog lista „Dnevni Avaz,, (<https://www.avaz.ba/vijesti/crna-hronika/900208/oglasio-se-otac-koji-je-prijavljen-za-seksualno-zlostavljanje-sina-5-nisam-monstrum-to-su-gnusne-neistine>) oglasio se također biološki otac mldb.djevojčice [REDACTED]. dana 25.04.2024.godine, te putem advokata poslao dopis u kojem se navodi da njegovo dijete na nezakonit način žele usvojiti [REDACTED] te nadalje navodi da su iznesene jednostane monstuozne laži, bez ijednog potkrijepljenog dokaza.

U pogledu dijela pitanja koji se odnosi na vršenje nadzora od strane drugih institucija vezano za postupanje Stručnog tima u predmetu, informišemo Vas da ovo ministarstvo nije upoznato da li je neka druga institucija vršila nadzor u pogledu postupanja Stručnog tima u navedenom predmetu.

Pripremila:

Amela Jažić, stručna savjetnica [REDACTED]

Kontrolisao:

Adna Teskeredžić Hrvatović, šefica Odj
Zoran Timarac, pomoćnik ministric

Amira Gackić, sekretarka Ministarstva [REDACTED]

Dostaviti:

1. Naslovu,
2. a/a.



Adresa: Reisa Džemaludina Čauševića 1, 71 000 Sarajevo

Tel: + 387(0)33 562-089, Fax: + 387(0)33 562-090

Web: <http://mrsri.ks.gov.ba>, E-mail: mrsri@mrsri.ks.gov.ba

5/5

10/10/10